

Član 7.

Ovaj Sporazum se sklapa na neodređeno vrijeme i stupa na snagu danom njegovog potpisivanja.

Član 8.

Ovaj Sporazum sačinjen je u dva primjerka na slovenskom, bosanskom i engleskom jeziku. U slučaju bilo kakvog neslaganja između slovenske i bosanske verzije, engleska verzija će se smatrati vjerodostojnom.

Ovaj Sporazum je potpisan u _____, _____ 2022. godine.

GRAD SARAJEVO

Gradonačelnica

Benjamina Karić

GRAD LJUBLJANA

Gradonačelnik

Zoran Janković

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), kao i na osnovu člana 8. stav 1. Odluke o načinu sticanja statusa udruženja i fondacija od posebnog značaja za Grad Sarajevo ("Službene novine Kantona Sarajevo", broj 51/21), Gradsko vijeće Grada Sarajeva, na 18. sjednici održanoj dana 26.07.2022. godine, donijelo je

ODLUKU

O STICANJU STATUSA UDRUŽENJA OD POSEBNOG
ZNAČAJA ZA GRAD SARAJEVO ZA SOS -
KINDERDORF INTERNATIONAL

Član 1.

Ovom Odlukom utvrđuje se Udruženju SOS - KINDERDORF INTERNATIONAL status udruženja od posebnog značaja za Grad Sarajevo.

Član 2.

Udruženje SOS - KINDERDORF INTERNATIONAL finansira se iz Budžeta Grada Sarajeva iznosom od 32.000,00 KM (tridesetdvijehiljadeKM), uz mogućnost korekcije navedenog iznosa u narednim budžetskim godinama, a sve u skladu s rastom troškova života i objektivnim mogućnostima budžeta Grada Sarajeva.

Uskladjivanje iz stava 1. ovog člana Odluke, vrši se izmjenama i dopunama ove Odluke.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-1231/22

26. jula 2022. godine

Sarajevo

Predsjedavajući

Gradskog vijeća

Jasmina Ademović, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), Gradsko vijeće Grada Sarajeva, na 18. sjednici održanoj dana 26.07.2022. godine, donijelo je

ODLUKU

O DAVANJU SAGLASNOSTI ZA POTPISIVANJE
SPORAZUMA SA GRADOM SANLIURFA, REPUBLIKA
TURSKA, O POSTAVLJANJU DVA JARBOLA SA
ZASTAVOM GRADA SARAJEVA I ZASTAVOM
ZVANIČNE MASKOTE XIV ZIMSKIH OLIMPIJSKIH
IGARA - "VUČKO" NA LOKACIJI KOD STADIONA
KOŠEVO U SARAJEVU

Član 1.

Ovom Odlukom Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma sa Gradom Sanliurfa, Republika Turska, o postavljanju dva jarbola sa zastavom Grada Sarajeva i zastavom zvanične maskote XIV Zimskih olimpijskih igara - "Vučko" na lokaciji kod stadiona Koševo u Sarajevu.

Član 2.

Grad Sanliurfa, Republika Turska, Gradu Sarajevo će donirati dva jarbola visine 20 metara, a obaveza Grada Sarajeva će biti nabavka dvije zastave iz člana 1. Odluke.

Član 3.

Donošenjem ove odluke prestaje da važi Odluka o davanju saglasnosti za potpisivanje Sporazuma sa Gradom Sanliurfa, Republika Turska, o postavljanju dva jarbola sa zastavom Grada Sarajeva i zastavom zvanične maskote XIV Zimskih olimpijskih igara - "Vučko" na ulazu u Grad Sarajevo - istočni ulaz ("Službene novine Kantona Sarajevo", br. 51/21 i 24/22 - ispravka).

Član 4.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-GV-02-1232/22

26. jula 2022. godine

Sarajevo

Predsjedavajući

Gradskog vijeća

Jasmina Ademović, s. r.

Gradonačelnik

Na osnovu člana 8. i člana 26. Odluke o izvršavanju Budžeta Grada Sarajeva za 2022. godinu ("Službene novine Kantona Sarajevo", broj 2/22), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

ODLUKU

O ODOBRAVANJU IZDAVANJA SREDSTAVA IZ
TEKUĆE REZERVE BUDŽETA GRADA SARAJEVO ZA
2022. GODINU

I

Iz Tekuće rezerve Budžeta Grada Sarajevo za 2022. godinu ("Službene novine Kantona Sarajevo", broj 2/22) sa ekonomskog koda 600000 odobrava se izdvajanje sredstava u ukupnom iznosu od 2.000,00 KM, na poziciju:

614 300 Tekući transferi neprofitnim organizacijama:

Udruženje demobilisanih boraca veterana ARBiH "Kamp Boraca" Općine Ilidža u iznosu od 2.000,00 KM

II

Za realizaciju ove odluke zadužuju se Gradska služba za obrazovanje, sport, kultura i mlade i Gradska služba za finansije.